

**Uunga siunnersuut: Ilinniartut ineqarfii pillugit Inatsisartut Inatsisaata
allanngortinnissaa pillugu Inatsisartut Inatsisaat. (Naartunermi, erninermi
meeravissartaarnermilu sulinnigiffeqartarnermut atatillugu ilinniartut ineqarfiissa
pigiinnartarnerat)**

Ilinniartitaanermut, Kultureqarnermut, Timersornermut Ilageeqarnermullu Naalakkersuisoq

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

Siunnersuutip aappassanneerreqarnerani

ISUMALIUTISSIISSUTAA

Ataatsimiititaliap suliaqarnermi makkuninnga inuttaqarpoq:

Inatsisartunut ilaasortaq Doris Jakobsen Jensen, Siumut, Siulittaasoq

Inatsisartunut ilaasortaq Nivi Olsen, Demokraatit Siulittaasup tullia

Inatsisartunut ilaasortaq Eqaluk Høegh, Inuit Ataqtigii

Inatsisartunut ilaasortaq Dines Mikaelson, Siumut

Inatsisartunut ilaasortaq Mariia Simonsen, Inuit Ataqtigii

UPA2022-mi 24. Marts 2022 siullermeernerup kingorna siunnersuut ataatsimiititaliap misissorpaa.

1. Siunnersuutip imarisaa siunertaalu

Erninermut atatillugu sulinnigiffeqarnermi ilinniartut ininiminniiginnarsinnaanerannik ilinniartut ineqarfiinik inatsisaasup allanngortinnissaanut siunnersuummi matumani qulakkeerniarneqarpoq. Ilinniartoq naartunerminut meerartaarnerminut meeravissartaarnerminulluunniit atatillugu sulinnigiffeqarpat inatsimmi aalajangersakkat maanna atuuttut naapertorlugit ilinniarnermik unitsitsinertut isigineqassaaq, tamassumalu malitsigisaanik ilinniartutut inigisamini najugaqarsinnaajunnaassalluni.

2. Tusarniaanermi akissutit

Inatsisartut suleriaasiat naapertorlugu tusarniaanermi akissutit inatsisissatut siunnersuummut kakkiunneqarput.

3. Apeqqutit

Immikkoortumik suliaqarnermut atatillugu Ilinniartitaanermut, Kultureqarnermut, Timersornermut Ilageeqarnermullu Naalakkersuisoq ataatsimiititaliamit apeqqutitut assigiinngitsunut akissuteqaqqullugu qinnuigineqarpoq. Ataatsimiititaliap Ilinniartitaanermut, Kultureqarnermut, Timersornermut Ilageeqarnermullu Naalakkersuisumut apeqqutaasa Naalakkersuisullu akissutaasa assilineqarneri isumaliutissiisummut uunga ilanngussatut kakkiupput.

4. Siunnersuummik ataatsimiititaliap suliarinninnera

Inersuarmi siunnersuutip oqallisigineqarnerani tapersorsorneqarluarpoq. Allanguinermi ilinniartut erninermi sulinnigiffeqartut ilinniartut inaanni najugaqaannarsinnaanerata sulinnigiffeqarunnaarneranut kingunerani ilinniakkami nanginnissaanut periarfissaq pitsanngorsarneqassasoq partiit tamarmik oqaatigaat.

4.1. Siunnersuutip tunuliaqutaa

Juli 2021-mi Ilisimatusarfimmi ilinniartut peqatigiiffia Pitaq atuartartut ¹ allaaserisaannik ilinniartut inaat pillugit inatsisip § 38 aalajangersagaq allaaserineqarpoq, tassani aalajangersagaavoq ilinniartut naartunermut, erninermut aamma meeravissartaarnermut atatillugu sulinnigiffeqarnermi ilinniartut inigisatik qimattassagaat.

Inatsisip allanngortinneqarnissaanik kaammattuuteqarluni tusagassiuutitut nalunaaruteqarnermigut ² ataatsimiititaliaq qisuariarpoq.

Inatsisiliorneq ilinniarnissamut akornutaanngisaannassasoq, ilinniarninummi inuttut inuiaqatigiinnullu pisuunngortitsisarpoq ataatsimiititaliap ersarissumik isumaqarfigaa.

Inatsisilli atuuttup ajoraluartumik ersersippaa ilinniartut naartulernermi, erninermi meeravissartaarnermiluunniit oqimaatsunik qinigassinneqartartut. Ilinniartup ilinniarnini unitsissavaa taamaalillunilu ilinniartutut inigisani annaallugu inatsisit naapertorlugit naartunermi, erninermi meeravissartaarnermiluunniit sulinnigiffeqarnissamut pisinnaatitaaffini atorunigit? Imaluunniit ilinniartup sulinnigiffeqarnermut pisinnaatitaaffini unitsissavaa ilinniarnini ingerlatiinnarniarlugu taamaalillunilu ilinniartutut inisiani tigummiinnarlugu?

Ilinniartut inaat pillugit inatsimmut matumunnga Naalakkersuisut allannguiniarmata ilinniagaqartut erninermut atatillugu sulinnigiffeqartut, ilinniartut peqatigiiffiat Pitaq ataatsimiititaliallu kaammattuutaat tusaaniarneqarsimammata ataatsimiititaliamit nuannaarutigineqarpoq.

Inatsimmut allannguutip ilinniagaqartut inaannut malitsigisaanik kingunerisassaa immikkoortumi tulluuttumi ataatsimiititaliap suliarineqarpoq.

¹ Sermitsiaq, 14. juli 2021

² <https://sermitsiaq.ag/kl/ataatsimiititaliaq-piumasaqarpoqerninermi-sulinnigiffeqarnermi-kollegiartut-iniminnit>

4.2 Erninermut atatillugu ilinniagaqartunut sulinnigiffeqartunut inatsisip allanngortinnerata kingunera

Ilinniartut naartulerneq, meerartaarnermi sulinnigiffeqarneq meeravissartaarnerluunniit pissutigalugit ilinniakkaminnik unitsitsigallartut, malitsigisaanillu ilinniartut inigisaat pillugu inatsimmi § 38 naapertorlugu ilinniartutut inigisaminnit pisinnaatitaaffimminnik annaasaqartut amerlassusaannik paasissutissaqanngilaq. Tamanna ataatsimiititaliap apeqquteqaatigisaanut akissuteqaammi allassimavoq.

Inatsimmik allanngortitsinerup ilinniartut erninermi sulinnigiffeqartut ilinniarnerminnik ingerlatsiinnarnissaanut pitsanngorasaataassasoq ataatsimiititaliap naatsorsuutigaa. Taamatuttaaq inatsimmik allanguinerup ilinniartut erninermi sulinnigiffeqarnerminni ilinniartutut inigisaminnik annaasaqannginnissaat qulakkiissagaa Naartunermi, erninermi meeravissartaarnermilu sulinnigiffeqartarneq pillugu Inatsisartut inatsisaat nr. 5, 19. november 2020-imeersoq naapertorlugu pisinnaatitaaffimminnik atuinerminni qulakkiissagaa ataatsimiititaliap naatsorsuutigaa.

Tamassuma saniatigut ataatsimiititaliap aamma erseqqissassavaa ilinniartut inaat pillugit inatsisip § 383 arnat anginerusumik eqqorsinnaassagai, taamaalillunilu ilinniartuuginnarsinnaanermi periarfissaq eqqarsaatigalugu assigiinngisitsinerusoq ataatsimiititaliaq isumaqarluni. Siunnersuutip akuerineratigut suaatsutsikkut assigiinngisitsinerup nalimmassarneqarnernissaa ataatsimiititaliaq isumaqarpoq.

4.3 Ilinniartut inaannut qinnuteqaammut itigartitsineq

Nuummi ilinniartut 90-it 120-llu akornanni amerlassuseqartunik ukiumut itigartitsisoqartartoq Naalakkersuisut nalunaarutigaat. Illoqarfinni allani qanoq amerlatigisunik itigartitsisoqartarnerusoq ataatsimiititaliap Naalakkersuisut apeqquteqaateqarfigaat. Naalakkersuisut ilinniartoqarfinnit akissuteqaatinik ujartuipput, GUX Aasianniit, KTI Sisimiuniit Perorsaanermik Ilinniarfimmillu Ilulissaniittumit akissutisillutik. Imatullu ilisimatitsisoqarpoq:

”GUX Aasiaat ilisimatitsivoq, ilinniarnertuunngorniarfimmu ilinniarniarlutik qinnuteqartunut akuerineqarsimasunut ilinniartut ineqarfiini ineqarnissamut itigartitsisoqarneq ajortoq. GUX Aasiaat ilisimatitsivoq, ilinniartut piffissap ilaani ilinniartut allat peqatigalugit ilinniartut ineqarfiini ineqatigiillutik inissinneqarallarsinnaasut. Ilisimatitsisutiqineqarportaaq ilinniartut

§ 38. Naalakkersuisut attartornermut isumaqatigiissut ilinniartut ineqarfianni najugaqartumut atorunnaarsittassavaat ilinniagaq imaluunniit ilinniarfimmiiinneq naammassippat imaluunniit unitsinneqarpat, imaluunniit ilinniartut ineqarfianni najugaqartup ilinniartut ineqarfianni najugaqarnissamut piumasaqaatit naammassiunnaarpagit, taamaattoq tak. imm. 3 aamma § 49, imm. 2. Ilinniakkamik ingerlatsinnginneq tamatumani ilinniakkamik taamaatiisinerut isigineqassaaq, soorluttaaq taamaatitsineq orlov-eqarnikkut, tamatumani aamma naartunermut meerartaarnermullu atatillugu sulinnigiffeqarneq ilinniakkamik taamaatitsinerut isigineqassasut, taamalu ilinniartut ineqarfianni najugaqarsinnaajunnaarnertut, tak. imm. 2.

salliunneqartarmata, taamaasilluni ilaqtut nassarlugit ilinniariartoqassappat ilinniartut inissiaannik inissaqartitsisoqalernermi ilanngunneqarsinnaasarlutik. Sisimiuni Teknikimik Ilinniarfik (KTI) ilisimatitsivoq, ilinniartut avataaneersut tamatigut pisinnaasaq malillugu inissaqartinniarneqartartut aammalu qaqutigoortoq ilaqutariit ilinniariat itigartinneqartarneri. Ilulissani Perorsaanermik Ilinniarfik/Socialpædagogisk seminarium SPS ilisimatitsivoq ukiumi 2020-mi ilinniartut 33-t, 2021-mi 60-it 2022-milu 7-it ilinniartut ineqarfiinut qinnuteqarsimasut itigartittariaqarnikuusimallugit.”

Ilinniartut inaat pillugit inatsimmut allannguutissatut siunnersuut akuerineqassagaluarpat ilinniagaqarniartut amerlanerusut itigartinneqarnerminnik nalunaarfigineqartalissasut ataatsimiititaliaq isumaqarpoq. Taamaakkaluartorli erninermut atatillugu sulinnigiffeqarnerminni ilinniartut inaaniiginnarnissaat ilinniartut ilinniarnerminnik attassiinnaarnissaat pingaaruteqartoq ataatsimiititaliaq isumaqarpoq.

Inatsisip allanngortinnerani meerartaarnerup nalaani sulinnigiffeqarsinnaanermi ilinniartut inaaniiginnarsinnaanerp kingunerisaanik ilinniartut inigisaanni inimut akiliut qaammammut ineqartumut ataatsimut⁴ 850 kr-imut inissisimatillugu ilinniartut ilaasa meerartaarnissaminnik aalajangeratarsinnaanerat ataatsimiititaliap naatsorsuutigaa. Ininik attartortitsisartut pisorta qarfiugunik namminersortuugunilluunniit ininut akiliutinik aalajangersagaannit inimut akiliut taamaalilluni appasinnerujussuvoq. Inatsimmi allannguinnissamut ajornartorsiutaasussatut ataatsimiititaliap isiginngilaa.

4.4 Ilinniartut ineqarfiinik peqassuseq

Meerartaarnermut atatillugu sulinnigiffeqartut ilinniartut inigisamiiginnarsinnaanerisa kingunerisaanik, tassami ilinniartut ineqarfiinik qinnuteqaraluarlutik itigartitaasussat kisitsisilerneqarsinnaanngitsut inissaaleqisitsineq pissutigalugu itigartinneqartartussaammata inatsimmik allannguinerup kingunerisaanik ilinniartut ineqarfiinik pisariaqartitsineq allissasoq naatsorsuutigisariaqarpoq. 2019-imut Ilinniartut inaat pillugit Immikkoortumut pilersaarummi Naalakkersuisut ima allaaserisaqartut ataatsimiititaliap maluginiarpaa:

”Immikkoortumut pilersaarut ilaatigut Ilinniartitaanermut pilersaaru II-imi anguniakkat nanginnerisut allanngortinneqarsinnaasutullu isigineqassaaq, tassani siunertaq tassaalluni immikkoortumut pilersaarut ukiukkaartumik nutarterneqartarluni ilinniartitaanikkut suliniutit ataatsimoortinniarlugit aamma ilinniarfeqarfinni pingaarnertigut pissusiulersut siniffissanik pisariaqartitsiviusut.”

Inatsimmik allannguinnissap kingunerisaanik ilinniartut ineqarfiinik pisariaqartitsinerup qaffannissaa, tunuliaqutaasut allanngorsimatinnagit, naatsorsuutigisariaqarmat Ilinniartut inaat

⁴ Kontumut pingaarnermut, 40.02.01 Ilinniartut Ineqarfiisa Allaffeqarfiat, qupp. 100

pillugit Immikkoortumut pilersaarutip nutarternerani inatsimmik allannguinerup kingunerisassaanik ilanngussinissaat ataatsimiititaliap Naalakkersuisut kaammattorpaat.

4.4.1. Ilinniartut ineqarfiinik attartornikkut peqassuseq

2017-imiilli attartortitsisartunit namminersortunit Naalakkersuisut ilinniartut ineqarfiinik attartortarsimapput. 2021-mi ukiunilu siusinnerusuni ilinniartut ineqarfiinik attartornissamut Naalakkersuisut 13,5 mio. kr-inik immikkoortitsisimasut ataatsimiititaliap maluginiarpa. 2022-imut Aningaasanut Inatsimmi 13,7 mio. kr-inik siunertamut tamassumunnga immikkoortitsisoqartoq allassimavoq, aningaasaliissutaasoq ilinniartut ineqarfiinik 280-nik attartornermut naleqarpoq.

2024-imut ilinniartut ineqarfiinik attartornissamut aningaasaliissutaasussat Naalakkersuiusunit 50 %-imik ikilineqartut ataatsimiititaliap maluginiarpa. Ilinniartut ineqarfiinik nutaanik sanaartukkat naammassineqarnerannik atorneqalerneqalernerannik tunngaveqartoq ataatsimiititaliap paasivaa.

4.5. Innersuussinissamut tulleriarinermullu piumasaqaatit

Ilinniartut ineqarfii pillugit inatsimmi § 7⁵ naapertorlugu Naalakkersuisut innersuussinissamut tulleriarinissamullu malittarisassanik aalajangersaasinnaapput. Tamannali aalajangersaasinnaassuseq Naalakkersuisunit atorneqarsimangitsoq ilisimatitsipput ataatsimiititaliamullu akissuteqaamminni ilinniartut ineqarfiinut innersuussineq maanna inatsisip §1 imm. 1⁶ naapertorlugu pisartooq Naalakkersuisut ilisimatitsipput.

Naalakkersuisut innersuussinissamut tulleriarinissamullu tunngaviusunik suliaqarsimangimmata ilinniartut inaannut aalajangersimasunik ilinniartunik initaarniartunut innersuussinnermut peqanngitsoq ataatsimiititaliap paasivaa. Tamassumalu malitsigisaanik ilinniartunik sivisuumik initaarnissaminnut utaqqisunut sivikinnerusunut utaqqisunut sanilliullugu siusinnerusukkut innersuussisoqartarnerooq ataatsimiititaliamut ersarinngilaq.

Ataatsimiititaliap apeqqutaanut Naalakkersuisut akissuteqarnerminni ilinniartut inaat pillugu inatsimmi § 7 naapertorlugu nalunaarummik suliarinnittoqalersimammat ataatsimiititaliap nuannaarutigaa. Nalunaarut kingulleq naammasseriarpaaq ilisimatinneqarnissi ataatsimiititaliap kissaatigaa.

⁵ § 7. Naalakkersuisut aalajangersaasinnaapput malittarisassanik innersuussisarnermut innersuussinissamullu tulleriarisarnermut atugassarititaasunik, tamatumani aamma ilinniartunik allanik avataaneersuunngitsunik tulleriarisarnermut tunngatillugu.

⁶ § 1. Inatsisartut inatsisaat maanna atortinneqassaaq attartortitsigallarnernut, ilinniartut ineqarfiinik, Namminersorlutik Oqartussani atugassiisutigineqartunik tamatumunnga qinnuteqarnermik tunngaveqartumik, ilinniartunut allaneersunut ineqarnissamik pisariaqartitsisunut, ilinniagaqarnerminnut atatillugu, taamaattoq tak. imm. 3.

5. Siunnersuutip aningaasatigut kingunerisassai


Siunnersuutip piviusunngortinneqarnissaanut aningaasatigut allaffissornikkullu kingunerisassai siunnersuutip tunngavilersuutaani allaaserineqarput. Erninermut atatillugu sulinngiffeqarnermi erninersiuteqarnerit ilinniagaqarnersiuteqarnermut, sungiusarnermi akissarsiaqarnermut imaluunniit sungiusarnermi tapisiarisartakkanut amerlaqatigiimmata ilinniagaqarnersiummiit erninermut atatillugu sulinngiffeqarnermi erninersiuteqalernermut aningaasatigut kinguneqassanngilaq, tamannalu matumani erninermut atatillugu sulinngiffeqarnermut inatsimmi ataqatigiinnerit tunngaviusut nalunaarutigineqarpoq.

Taamaakkaluartorli siunnersuutigisap akuerineqarneratigut ilinniartut ineqarfiinik ineqartitsisinnaanerup sulii artukkerneqarnerunissaa naatsorsuutigineqartariaqartoq Naalakkersuisut nalunaarput. Tamassuma kingunerisaanik ilinniartut ineqarfiinik sanaartornermut sulii aningaasartuuteqartoqassasoq ataatsimiititaliaq isumaqarpoq.


6. Ataatsimiititaliap inassuteqaataa

Siunnersuutigineqartoq akuersissutigineqassasoq ataatsimiititaliamit isumaqatigiittumit inassutigineqarpoq.


Taamatut oqaaseqarluni isumaliutissiissummilu allassimasutut paasinnillutik matumuuna siunnersuut ataatsimiititaliap aappassaaniigassanngortippaa.



Nivi Olsen
Siulittaasup tullia



Doris Jakobsen Jensen
Siulittaasoq



Eqaaluk Høegh



Dines Mikaelson



Mariia Simonsen



Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq

Pineqartoq: Ilinniartut ineqarfii pillugit Inatsisartut inatsisaat allanngortinnissaata pillugu UPA2022/160-imut allakkatigut apeqqutit

12-04-2022
Suliap nr.
All. nr. 19723994

Asasakka Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliami ilaasortat.

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Ataatsimiititaliaq 31. marts 2022-mi oqaluuserisassani immikkoortup UPA2022/160
suliarineqarneranut Ilinniartut ineqarfii pillugit Inatsisartut inatsisaannut allannguutissanut
siunnersuummut tunngatillugu apeqqutinut qtsavigaara.

Apeqqutigisat tullinnguuttuni saqqummersinneqarput akissuteqarfigineqarlutillu.

Apeqqut 1: Ukiuni kingullerni qaninnerni ilinniagaqarniartut Nuup avataani kollegiani initaarnissaminut qassit itigartitaappat?

Akissut: Apeqqut akisinnaaniarlugu Nuup avataani ilinniarfiusunut paasissutissanik
aallertoqarpoq. Paasissutissat GUX Aasiannit, Teknikimik Ilinniarfik Sisimiunit Ilulissanilu
Perorsaanermik Ilinniarfimiit nassiunneqarput.

GUX Aasiaat ilisimatitsivoq, ilinniarnertuunngorniarfimmu ilinniarniarlutik qinnuteqartunut
akuereqarsimasunut ilinniartut ineqarfiini ineqarnissamut itigartitsisoqarneq ajortoq.
GUX Aasiaat ilisimatitsivoq, ilinniartut piffissap ilaani ilinniartut allat peqatigalugit
ilinniartut ineqarfiini ineqatigiillutik inissinneqarallarsinnaasut.
Ilisimatitsissutigineqarportaaq ilinniartut salliunneqartarmata, taamaasilluni ilaqquttat
nassarlugit ilinniariartoqassappat ilinniartut inissiaannik inissaqartitsisoqalernermi
ilanngunneqarsinnaasarlutik.

Sisimiuni Teknikimik Ilinniarfik (KTI) ilisimatitsivoq, ilinniartut avataaneersut tamatigut
pisinnaasaq malillugu inissaqartinniarneqartartut aammalu qaqutigoortoq ilaqtariit
ilinniariat itigartinneqartarneri.

Ilulissani Perorsaanermik Ilinniarfik/Socialpædagogisk seminarium SPS ilisimatitsivoq
ukiumi 2020-mi ilinniartut 33-t, 2021-mi 60-it 2022-milu 7-it ilinniartut ineqarfiinut
qinnuteqarsimasut itigartittariaqarnikuusmallugit.

Apeqqut 2: Kollegiat pillugit inatsimmi § 7 pillugu nalunaarusiornissaq qaqugu pissasoq Naalakkersuisut naatsorsuutigaat?

Akissut: Naalakkersuisut maanna inissarsitsinermi tulleriarinermilu piumasaqaatinut
nalunaarusiortoqarnissaa aallartarpaat, tak. Ilinniartut ineqarfii pillugit Inatsisartut
inatsisaat § 7.

Apeqqut 3: Maanna kollegiani ininik agguaanermi qanoq ilinniagaqarniartunik tulleriarisoqartarpa?

Akissut: Avataaniit ilinniarniarlutik qinnuteqarsimasut salliunneqartarput, tak. Ilinniartut ineqarfii pillugit Inatsisartut inatsisaat nr. 42, 12. december 2019-imeersumi § 1, imm. 1. Pisuni immikkut ittuni, tamatumani minnerunngitsumik pissutsini inunnik ikiorsiinissamut attuumassutilinni, inissaqartitsiniarnerup tamanna ajornartingippagu, ilinniartunut avataaniit aggersuunngitsunut, ilinniartunut inissamik piffissami killilikkami ineqartitsisinnaapput. tak. § 1, imm. 3.

Apeqqu 4: Ilinniarnermi unitsitsigallarnernut patsisaasut pillugit Naalackersuisut paasissutissanik katersuinissamik aallartitsiniarpat?

Akissut: Aqutsinermi aaqqissuussineq ilinniartut ineqarfiinik tunniussisarnermi atorneqartartumi, maannamut sulingiffeqarallarnermut tunngatillugu meerartaareernermi sulingiffeqarneq, napparsimaneq allaluunniit tunngaviunersoq nalunaarsorneqarneq ajorpoq. Naalackersuisut sulingiffeqarnermut tunngaviusartut pillugit paasissutissanik aallersinnaanermut periarfissaqarnersoq maanna misissorpaat.

Apeqqu 5: Ilinniartunut 280-inut kollegiani inissanut attartornissamut ukiuni 2019-2023 ukiumut 13,7 mio kr immikkoortinneqarsimasut AI2021-imi AI2022-milu konto pingaarnermi 40.90.15 takuneqarsinnaapput. Ilinniartunut 280-inut kollegiani inissanut attartornissamut ukiumut missiliuusiorfiusunut 2024-2025 ukiumut 6,8 mio kr aningaasaliissutigineqartut takuneqarsinnaavoq. Ilinniartut amerlaqataannut kollegiani inini amerlaqataannik attartortitsisinnaaneq akimigut affaannanngorsinnaanera pillugu Naalackersuisut nassuiaateqaqquneqarput.

Akissut: Naalackersuisut Nuummi ilinniartut inissiaat suliarineqartut ukiumi 2024-mi atulersinnaanissaat ilimagivaat. Taamaasilluni avataaniit inissianik attartuisarnermut aningaasartuutit annikillinissaat ilimagineqarpoq.

Konto pingaarnermi 40.90.15 missingersuutinut ilanngussanit M 2024 aamma M 2025-mi FL 2022 aamma M 2023-mut ilinniartunut aalajangersimasunut inissat assigiinnassagaat allaqqaneranni ajuusaarnartumik kukkuneq pineqarpoq.

Tamanna FFL 2023-p suliarineqarnerani aaqqinneqarumaarpoq.

Inussiarnersumik inuulluaqqusillunga


Peter Olsen